

GST ভর্তি পদ্ধতি

২০২০-২০২১ শিক্ষাবর্ষে GST (General Science and Technology) ভর্তি পদ্ধতির আওতায় ২০ টি সরকারি বিশ্ববিদ্যালয় (বিশ্ববিদ্যালয়সমূহের নাম)-য়ে প্রথম বর্ষে ভর্তির ব্যবস্থা নেওয়া হয়েছে। শিক্ষার্থীরা একটিমাত্র ভর্তি পরীক্ষায় অংশগ্রহণপূর্বক প্রাপ্ত ফলাফলের ভিত্তিতে উল্লেখকৃত যে কোন বিশ্ববিদ্যালয়ের সংশ্লিষ্ট বিভাগে ভর্তির সুযোগ পাবে। প্রত্যেক শিক্ষার্থীকে তার এইচএসসি/সমমান পরীক্ষার বিভাগ (বিজ্ঞান, মানবিক, বাণিজ্য) সংশ্লিষ্ট একটিমাত্র ভর্তি পরীক্ষায় অংশগ্রহণ করতে হবে। দুটি পর্যায়ে আবেদন করতে হবে -

(১) প্রাথমিক আবেদন

(২) চূড়ান্ত আবেদন (প্রাথমিক আবেদনের ভিত্তিতে চূড়ান্ত আবেদনের যোগ্য হিসাবে বিবেচিত হলে)।

প্রাথমিক আবেদন

২০১৬ হতে ২০১৮ সালের এসএসসি/সমমান এবং ২০১৯ ও ২০২০ সালের এইচএসসি/সমমান, ডিপ্লোমা-ইন-কমার্স, বাংলাদেশ কারিগরি শিক্ষা বোর্ডের অধীনে এইচএসসি (ভকেশনাল), A লেভেল এবং অন্যান্য সমমান পরীক্ষায় [সমমান নির্ধারণ কমিটি কর্তৃক অনুমোদন সাপেক্ষে] উত্তীর্ণ শিক্ষার্থীরাই কেবল ভর্তি পরীক্ষার জন্য প্রাথমিক আবেদন করতে পারবে। মানবিক, বাণিজ্য ও বিজ্ঞান শাখা হতে এইচএসসি/সমমান পরীক্ষায় উত্তীর্ণ শিক্ষার্থীরা প্রয়োজনীয় যোগ্যতা সাপেক্ষে যথাক্রমে A, B ও C ইউনিটে আবেদন করতে পারবে। প্রাথমিক আবেদনের যোগ্যতা নিম্নরূপঃ

A ইউনিট - মানবিক শাখা হতে এইচএসসি/সমমান পরীক্ষায় উত্তীর্ণ আবেদনকারীদের এসএসসি/সমমান ও এইচএসসি/সমমান উভয় পরীক্ষায় (৪র্থ বিষয়সহ) ন্যূনতম জিপিএ ৩.৫০ সহ সর্বমোট জিপিএ ৭.০০ থাকতে হবে। সাধারণ শিক্ষাবোর্ডের মানবিক শাখাসহ মিউজিক, গার্হস্থ্য অর্থনীতি এবং মাদ্রাসা বোর্ড (সাধারণ, মুজাব্বিদ) মানবিক শাখা হিসাবে বিবেচিত হবে।

B ইউনিট - বাণিজ্য শাখা হতে এইচএসসি/সমমান পরীক্ষায় উত্তীর্ণ আবেদনকারীদের এসএসসি/সমমান ও এইচএসসি/সমমান উভয় পরীক্ষায় (৪র্থ বিষয়সহ) ন্যূনতম জিপিএ ৩.৫০ সহ সর্বমোট জিপিএ ৭.৫০ থাকতে হবে। সাধারণ শিক্ষাবোর্ডের বাণিজ্য শাখাসহ ডিপ্লোমা ইন বিজনেস স্টাডিস, ব্যবসায় ব্যবস্থাপনা (এইচএসসি) এবং ডিপ্লোমা ইন কমার্স বাণিজ্য শাখা হিসাবে বিবেচিত হবে।

C ইউনিট - বিজ্ঞান শাখা হতে এইচএসসি/সমমান পরীক্ষায় উত্তীর্ণ আবেদনকারীদের এসএসসি/সমমান ও এইচএসসি/সমমান উভয় পরীক্ষায় (৪র্থ বিষয়সহ) ন্যূনতম জিপিএ ৩.৫০ সহ সর্বমোট জিপিএ ৮.০০ থাকতে হবে। সাধারণ শিক্ষাবোর্ডের বিজ্ঞান শাখাসহ ভোকেশনাল (এইচএসসি) এবং মাদ্রাসা বোর্ড (বিজ্ঞান) বিজ্ঞান শাখা হিসাবে বিবেচিত হবে।

জিসিই O লেভেল পরীক্ষায় ৫টি বিষয়ে এবং A লেভেল পরীক্ষায় অন্ততঃ ২টি বিষয়ে উত্তীর্ণ হতে হবে এবং উভয় লেভেলে মোট ৭টি বিষয়ের মধ্যে ৪টি বিষয়ে কমপক্ষে B গ্রেড এবং ৩টি বিষয়ে কমপক্ষে C গ্রেড থাকতে হবে। তবে সরাসরি আবেদনের মাধ্যমে সমমান ও যোগ্যতা নির্ধারণ কমিটি কর্তৃক অনুমোদিত হতে হবে। O লেভেল, A লেভেল এবং ইংলিশ ভার্শন (ন্যাশনাল কারিকুলাম) পরীক্ষায় উত্তীর্ণ আবেদনকারীদের প্রশ্নপত্র প্রযোজ্য ক্ষেত্রে ইংরেজিতে অনুবাদ করা হবে। ইংরেজি প্রশ্নপত্রে পরীক্ষা দিতে ইচ্ছুক প্রার্থীকে চূড়ান্ত আবেদনের সময় তা অবশ্যই উল্লেখ করতে হবে।

প্রাথমিক আবেদন পদ্ধতির বিস্তারিত যথাসময়ে GST Admission Test -এর ওয়েবসাইট ()-এ প্রকাশ করা হবে।

চূড়ান্ত আবেদন

প্রাথমিকভাবে আবেদনকৃত শিক্ষার্থীদের এসএসসি/সমমান ও এইচএসসি/সমমান পরীক্ষার ফলাফলের ভিত্তিতে মেধাক্রম অনুসারে প্রতিটি ইউনিটে চূড়ান্ত আবেদনের জন্য শিক্ষার্থী নির্বাচিত হবে। চূড়ান্ত আবেদনের মেধাক্রম প্রস্তুত পদ্ধতি নিম্নে প্রদত্তঃ

বিজ্ঞান শাখাঃ

Sorting Criteria	GPA (HSC 60%+SSC 40%)	Marks (HSC 60%+SSC 40%)	HSC Physics		HSC Chemistry	
			GP	Mark	GP	Mark
Sorting sequence	1	2	3	4	5	6

বাণিজ্য শাখাঃ

Sorting Criteria	GPA (HSC 60%+SSC 40%)	Marks (HSC 60%+SSC 40%)	HSC Bangla		HSC English	
			GP	Mark	GP	Mark
Sorting sequence	1	2	3	4	5	6

মানবিক শাখাঃ

Sorting Criteria	GPA (HSC 60%+SSC 40%)	Marks (HSC 60%+SSC 40%)	HSC Bangla		HSC English	
			GP	Mark	GP	Mark
Sorting sequence	1	2	3	4	5	6

উল্লেখিত সর্বোচ্চ ৬ সটিং ক্রাইটেরিয়া ক্রমানুসারে (১ হতে ৬) ব্যবহার করে প্রাথমিক আবেদনকারীদের মেধাক্রম প্রস্তুত করা হবে। প্রতিটি ইউনিটে সর্বোচ্চ ১৫০০০০ শিক্ষার্থী ভর্তি পরীক্ষায় অংশগ্রহণ করতে পারবে। নির্ধারিত সময়ে চূড়ান্ত আবেদন সম্পন্ন করতে হবে। অন্যথায় পরবর্তী মেধাক্রম হতে প্রয়োজনীয় সংখ্যক শিক্ষার্থীকে চূড়ান্ত আবেদনের সুযোগ দেওয়া হবে। প্রতিটি ইউনিটে আবেদন ফি ৫০০.০০ (পাঁচশত) টাকা মাত্র মোবাইল ব্যাংকিং (বিকাশ, রকেট, নগদ)-এর মাধ্যমে প্রদান করতে হবে। চূড়ান্ত আবেদন পদ্ধতির বিস্তারিত যথাসময়ে GST Admission Test -এর ওয়েবসাইট ()-এ প্রকাশ করা হবে।

চূড়ান্ত আবেদনের সময় শিক্ষার্থীদের ৩১টি পরীক্ষাকেন্দ্র মধ্যে নূন্যতম ৫টি কেন্দ্র পছন্দের তালিকায় রাখতে হবে। এইচএসসি/সমমান কোর্সের শিক্ষাপ্রতিষ্ঠানের অবস্থান, এসএসসি ও এইচএসসি/সমমান পরীক্ষায় প্রাপ্ত নম্বর, পাসের বছরসহ সংশ্লিষ্ট বিষয়াদি বিবেচনাপূর্বক নিম্নে উল্লেখিত পদ্ধতিতে প্রতিটি শিক্ষার্থীর জন্য একটি কেন্দ্র-নির্ধারনি স্কোর (সর্বোচ্চ ১০০) প্রস্তুত করা হবে।

- ১। স্কুল/কলেজের অবস্থান (কেন্দ্র হতে দূরত্ব): ৪০ (সর্বোচ্চ)
- ২। প্রাপ্ত নম্বর (SSC+HSC): ৪০ (সর্বোচ্চ)
- ৩। পাসের বছর (২০১৯ - ০৫, ২০২০ - ১০): ১০ (সর্বোচ্চ)
- ৪। ছেলে/মেয়ে (ছেলে - ০৫; মেয়ে - ১০): ১০ (সর্বোচ্চ)

প্রাপ্ত স্কোর ও কেন্দ্রের পছন্দ ক্রমের ভিত্তিতে প্রত্যেক শিক্ষার্থীর পরীক্ষাকেন্দ্র নির্ধারন করা হবে। নির্ধারিত পরীক্ষাকেন্দ্র পরিবর্তনের কোন সুযোগ নাই।

ভর্তি পরীক্ষা ও ফলাফল

প্রত্যেক শিক্ষার্থীকে নির্ধারিত কেন্দ্রে ভর্তি পরীক্ষায় অংশগ্রহন করতে হবে। প্রতিটি ইউনিটে ১ ঘন্টা ৩০ মিনিটে ১২০ নম্বরের পরীক্ষা অনুষ্ঠিত হবে। যে কোন ইউনিট (A/B/C)-এর পরীক্ষার্থী বিশ্ববিদ্যালয়ের প্রদত্ত শর্তসাপেক্ষে অন্যান্য ইউনিট সংশ্লিষ্ট বিষয়সমূহে ভর্তির জন্য বিবেচিত হবে। ভর্তি পরীক্ষার বিষয়সমূহ নিম্নে প্রদত্তঃ

ইউনিট	পরীক্ষার বিষয়সহ শর্তসমূহ			
A (মানবিক)		বিষয়	নম্বর	মোট নম্বর
	আবশ্যিক	বাংলা	৪০	১০০
		ইংরেজি	৩৫	
		আইসিটি	২৫	
	সর্বমোট			১০০
B (বাণিজ্য)		বিষয়	নম্বর	মোট নম্বর
	আবশ্যিক	হিসাববিজ্ঞান	২৫	১০০
		ব্যবসায় সংগঠন ও ব্যবস্থাপনা	২৫	
		বাংলা	১৩	
		ইংরেজি	১২	
		আইসিটি	২৫	
	সর্বমোট			১০০
C (বিজ্ঞান)		বিষয়	নম্বর	মোট নম্বর
	আবশ্যিক	পদার্থবিদ্যা	২০	৬০
		রসায়ন	২০	
		বাংলা	১০	
		ইংরেজি	১০	
	ঐচ্ছিক (যে কোন দুটি)	গণিত	২০	৪০
		জীববিদ্যা	২০	
		আইসিটি	২০	
	সর্বমোট			১০০
	<p>(ক) ঐচ্ছিক হিসাবে গণিত ও জীববিদ্যা বিষয়ের উত্তর প্রদান করলে বিজ্ঞান শাখা সংশ্লিষ্ট সকল বিষয়ে ভর্তির জন্য বিবেচিত হবে।</p> <p>(খ) ঐচ্ছিক হিসাবে জীববিদ্যা ও আইসিটি বিষয়ের উত্তর প্রদান করলে শুধুমাত্র বায়োলজিক্যাল সায়েন্স (যেমন - উদ্ভিদবিদ্যা, প্রাণিবিদ্যা ইত্যাদি), এগ্রিকালচার, বায়ো-কেমিক্যাল সায়েন্স (যেমন - ফার্মেসি, বায়োকেমিস্ট্রি ইত্যাদি) বিষয়সমূহে ভর্তির জন্য বিবেচিত হবে।</p> <p>(গ) ঐচ্ছিক হিসাবে গণিত ও আইসিটি বিষয়ের উত্তর প্রদান করলে (খ)-এ উল্লেখিত বিষয়সমূহ ব্যতিত বিজ্ঞান শাখা সংশ্লিষ্ট অন্যান্য বিষয়সমূহে ভর্তির জন্য বিবেচিত হবে।</p> <p>এসংক্রান্ত বিস্তারিত তথ্য সংশ্লিষ্ট বিশ্ববিদ্যালয়ের ওয়েবসাইটে পাওয়া যাবে।</p>			

পরীক্ষার সময়সূচীঃ

সময়/তারিখ	১৯/০৬/২০২১	২৬/০৬/২০২১	০৩/০৭/২০২১
১২:০০ হতে ১৩:৩০	ইউনিট A (মানবিক)	ইউনিট B (বাণিজ্য)	ইউনিট C (বিজ্ঞান)

গুরুত্বপূর্ণ তারিখসমূহ

প্রাথমিক আবেদনঃ	০১-০৪-২০২১ হতে ১৫-০৪-২০২১
প্রাথমিক আবেদনের ফলাফল প্রকাশঃ	২৩-০৪-২০২১
চূড়ান্ত আবেদনঃ	২৪-০৪-২০২১ হতে ২০-০৫-২০২১
প্রবেশপত্র ডাউনলোডঃ	০১-০৬-২০২১ হতে ১০-০৬-২০২১

প্রতিটি ইউনিটের পরীক্ষার্থীদের প্রাপ্ত নম্বরের ভিত্তিতে মেধাক্রম প্রস্তুত করে [GST Admission Test](#) -এর [ওয়েবসাইট](#) ()-এ প্রকাশ করা হবে। GST-এর প্রতিটি বিশ্ববিদ্যালয় আলাদাভাবে ভর্তি বিজ্ঞপ্তির মাধ্যমে নিজেদের শর্ত উল্লেখসহ দরখাস্ত আহবান করবে। শুধুমাত্র GST ভর্তি পরীক্ষায় অংশগ্রহণকারী শিক্ষার্থীরাই আবেদন করতে পারবে। ইউনিট ভিত্তিক মেধাক্রম অনুসারে বিশ্ববিদ্যালয়গুলো নিজ ব্যবস্থাপনায় ভর্তি প্রক্রিয়া সম্পন্ন করবে।